

## DEPARTMENT OF DEVELOPMENTAL SERVICES (LUB CHAW TUAV DEJ NUM SAIB XYUAS COV KEV PAB UAS MUAJ RAU COV NEEG MUAJ TEEB MEEM RAU NTAWM TXOJ KEV LOJ HLOB SIV)

1215 O Street, MS 7-40  
Sacramento, CA 95814  
Tus Xov Tooj TTY: 711  
(916) 461-0061



HNUB TIM: Lub Xya Hli, Tim 22, 2022

HAWM TXOG: COV THAWJ TSWJ SAIB XYUAS COV CHAW PAB PEJ XEEM NYOB HAUV TEJ  
CHEEB TSAM (REGIONAL CENTER EXECUTIVE DIRECTORS)

HAIS TXOG DAB TSI: COV ROOJ SIV THAM NTAWM PAWG TXWJ LAUS PAB TSWV YIM NYOB  
HAUV IB CHEEB TSAM ZE RAU TXOJ KEV CIA LAWV TXIAV TXIM RAU LAWV  
TUS KHEEJ

Thaum Lub Yim Hli, Tim 6, 2015, Lub Chaw Tuav Dej Num Saib Xyuas Cov Kev Pab Uas Npaj Rau Cov Neeg Muaj Teeb Meem Rau Ntawm Txoj Kev Loj Hlob (Lub Chaw Tuav Dej Num) tau hais rau cov chaw khiav hauj lwm nyob hauv tej cheeb tsam hais tias Pawg Txwj Laus Pab Tswv Yim Dawb Nyob Hauv Tej Cheeb Tsam (LVAC) Rau Txoj Kev Yuav Cia Lawv Txiaiv Txim Rau Lawv Tus Kheej yuav tsum tau ua raws nraim li txhua yam uas tsab cai Bagley-Keene Open Meeting Act (Bagley-Keene Act) yuav kom ua nyob hauv ntu ntawv Government Code section 11120 mus txog 11133. Lub hom phiaj ntawm tsab ntawv ntawm no yog los qhia cov lus uas tau muab kho dua tshiab thiab cov lus qhia hais txog txoj kev khiav LVAC cov rooj sib tham kom tau raws nraim li tsab cai Bagley-Keene Act.

### **Pub Muaj LVAC Cov Rooj Sib Tham Nyob Saum Huab Cua (Teleconference) thiab Tau Muab Qhov Uas Yuav Tsum Kom Muaj Txog Pes Tsawg Tus Txwj Laus Mus Koom Ib Lub Rooj Sib Tham Tim Ntsej Tim Muag Cov Txwj Laus Thiaj Li Yuav Sib Tham Tau Ncua Tseg Mus Txog Thaum Lub Xya Hli, Tim 1, 2023**

Vim qhov xwm ceev hauv pej xeem txoj kev noj qab nyob zoo los ntawm kab mob COVID-19, tus Tswv Xeev tau muaj ib tsab cai hu ua Executive Order (N-25-20), uas pub cov pab pawg txwj laus, suav nrog LVACs, los mus muab cov rooj sib tham koj los tham tau rau saum huab cua thiab tau muab qhov uas yuav tsum kom muaj txog pes tsawg tus txwj laus mus koom ib lub rooj sib tham tim ntsej tim muag cov txwj laus thiaj li yuav sib tham tau raws li teev tseg rau hauv tsab cai Bagley-Keene Act ncuat tseg lawm. Tsab cai Executive Order ntawm no, nrog rau tsab cai Assembly Bill 361 (Chapter 165, Statutes of 2021), tso cai kom muab cov rooj sib tham koj los tham tau rau saum huab cua mus ib ntus, tsuav yog hais tias cov pej xeem yeej nkag mus koom cov rooj sib tham ntawm no nyob hauv cov khoom hluav taws xob (electronically). Thaum Lub Ib Hlis, Tim 5, 2022, tus Tswv Xeev tau muaj ib tsab cai Executive Order

(N-1-22) ntxiv, uas tau ntxiv sij hawm rau txoj kev pub muab cov rooj sib tham koj los tham rau saum huab cua mus txog thaum Lub Plaub Hlis, Tim 1, 2022.

Tsab cai hu ua Senate Bill 189 (Chapter 48, Statutes of 2022), tau ntxiv sij hawm rau txoj kev pub muaj rooj sib tham txawv qhov uas tsab cai Bagley-Keene Act yuav tsum kom ua mus txog thaum Lub Xya Hli, Tim 1, 2023. Lub ntsiab lus, SB 189 tau muab tsab cai Government Code section 11133 pauv, muab txhua yam uas tsab cai yuav tsum kom ua pauv mus rau qhov uas yuav pub lub

**“Tsim Kom Muaj Kev Koom Tes, Txhawb Kom Muaj Ntau Txoj Kev Rau Neeg Xaiv”**

Cov Thawj Tswj Saib Xyuas Dej Num Ntawm Cov Chaw Pab Pej Xeem Nyob Hauv Tej Cheeb Tsam  
(Regional Center Executive Directors)  
Lub Xya Hli, Tim 22, 2022  
Phab Ntawv 2

xeev cov koom haum, suav nrog rau cov chaw pab pej xeem hauv tej cheeb tsam cov txwj laus LVACs, los mus muab cov rooj sib tham coj los tham rau saum huab cua thiab los ua kom muaj pej xeem mus koom, thiab kuj tseem yuav txo tau txoj kev uas neeg ntxim yuav mus kis tau kab mob COVID-19.

Pib thaum Lub Xya Hli, Tim 1, 2022 mus txog thaum Lub Xya Hli, Tim 1, 2023, cov txwj laus LVACs yeej muab cov rooj sib tham nrog pej xeem coj mus tham tau rau saum huab cua, tsuav yog hais tias lawv yeej qhib kom txhua tus pej xeem nkag mus koom tau nyob hauv cov khoom hluav taws xob, los sis siv khoom hluav taws xob mus koom, los mus mloog thiab los mus teb LVAC zoo li cov kev txwv nram qab no:

- Cov chaw pab pej xeem nyob hauv tej cheeb tsam thiab cov txwj laus LVACs yuav tsum tau muab sij hawm luv kawg los yog li 10 hnuv coj los muab cov lus uas lawv yuav muab coj los tham los sis yuav muab coj los txiav txim nyob hauv lub rooj sib tham tshaj tawm rau pej xeem paub.
- Cov lus tshaj tawm rau pej xeem paub thiab qhov txheej txheem yuav tsum muaj: (1) lub sij hawm thiab hnuv uas yuav muaj lub rooj sib tham; (2) lus qhia hais tias saib cov pej xeem yuav mus mloog thiab mus nrog tawm tswv yim li cas, zoo li cov lus qhia nrog tus xov tooj uas neeg yuav hu tau mus koom los sis ib qhov link rau lub rooj sib tham saum huab cua; (3) ib cov lus qhia me ntsis txog cov lus uas yuav muab coj los tham los sis yuav muab coj los txiav txim; thiab (4) lus qhia hais tias saib yog ib tus neeg xav thov thiab xav tau kev kho los sis kev pab rau cov neeg muaj kev xiam oob qhab, thiab/los sis xav kom muaj kws txhais lus/neeg pab, nws yuav ua li cas.
- Lub rooj sib tham nyob saum huab cua yuav tsum yog ib lub uas pej xeem yuav nkag mus koom tau. Yuav tsum tau muab cov lus tshaj tawm thiab qhov txheej txheem coj mus tso rau ntawm ib phab ntawv uas neeg yuav nrhiav tau yooj yim nyob ntawm lub chaw pab pej xeem nyob hauv tej cheeb tsam lub vas sab. Thiab yuav tsum tau muab cov lus tshaj tawm thiab cov txheej txheem xa mus rau txhua tus txwj laus hauv pawg txwj laus LVAC thiab cov pej xeem uas lawv tau qhia lawv qhov chaw nyob los sis lawv tus email.
- Txoj kev uas yuav muab siv coj los khiav LVAC cov rooj sib tham nyob saum huab cua yuav tsum pub cov pej xeem los mus hais tau lus rau hauv lub rooj sib tham txawm hais tias lawv yeej tsis nyob rau ntawm lub chaw ntawd.
- Qhov txheej txheem yuav tsum muaj cov lus qhia hais tias saib cov pej xeem yuav ua li cas lawv thiaj li yuav los mloog tau thiab tawm tau tswv yim nyob hauv lub rooj sib tham. Yog nws ho muaj ib yam dab tsi pauv nyob hauv txoj kev uas cov pej xeem yuav mus mloog tau thiab mus tawm tau tswv yim nyob hauv lub rooj sib tham, cov chaw pab pej xeem nyob hauv tej cheeb tsam thiab cov txwj laus LVACs yuav tau muab cov lus qhia uas lawv muab kho dua tshiab ntawd coj mus tshaj tawm rau hauv cov kev txuas lus uas yuav tshaj tawm tau ceev tshaj nyob rau lub sij hawm ntawd. Cov kev txuas lus zoo li no yog muaj, tiam sis tsis yog tag rau, kev muab cov lus qhia coj mus tso rau hauv lub chaw pab pej xeem nyob hauv tej cheeb tsam lub vas sab.

Cov Thawj Tswj Saib Xyuas Dej Num Ntawm Cov Chaw Pab Pej Xeem Nyob Hauv Tej Cheeb Tsam  
(Regional Center Executive Directors)  
Lub Xya Hli, Tim 21, 2022  
Phab Ntawv 3

- Cov chaw pab pej xeem nyob rau hauv tej cheeb tsam thiab cov txwj laus LVACs yuav tsum tau npaj kom muaj ib lub chaw uas cov pej xeem yuav mus mloog tau thiab mus tawm tau tswv yim.
- Cov chaw pab pej xeem nyob rau hauv tej cheeb tsam thiab cov txwj laus LVACs yuav tsum tau muaj ib txoj kev khia dej num coj los siv rau txoj kev txais thiab kev daws cov kev thov kom muaj kev kho los sis kev pab kom cov tib neeg uas muaj kev xiam oob qhab mus koom tau, raws nraim li tsoom fwv tsab cai Americans with Disabilities Act of 1990 (42 U.S.C Sec. 12101 et seq.) thiab los ua kom neeg tsis txhob muaj ib yam dab tsi txhawj txog txoj kev yuav mus koom tau.
- Cov chaw pab pej xeem nyob rau hauv tej cheeb tsam thiab cov txwj laus LVACs yuav tsum tau muab txoj kev khiav dej num uas lawv npaj coj los siv rau txoj kev daws cov kev thov kom muaj kev kho los sis kev pab rau cov neeg xiam oob qhab coj los tshaj tawm txhua zaus thaum lawv tshaj tawm cov lus qhia hais tias saib cov pej xeem yuav ua li cas lawv thiaj li yuav mus mloog tau thiab mus tawm tau tswv yim.
- Lub xeev yeej hais kom cov chaw pab pej xeem nyob rau hauv tej cheeb tsam thiab cov txwj laus LVACs los mus txiav txim thiab los mus sib zog li qhov lawv ua tau los mus ua kom raws li cov kev txwv ntawm tsab cai Bagley-Keene Open Meeting Act, los ua kom tsis txhob muaj kev zais thiab los ua kom muaj rau pej xeem mus koom LVAC cov rooj sib tham.

Pib thaum Lub Xya Hli, Tim 1, 2022 mus txog thaum Lub Xya Hli, Tim 1, 2023, lub xeev tau muab cov kev khiav cov rooj sib tham uas qhib rau pej xeem mus koom uas tsab cai Bagley-Keene Act yuav tsum kom muaj nyob hauv qab no **ncua tseg lawm**:

- Tag nrho cov kev khiav rooj sib tham uas tsab cai Bagley-Keene yuav tsum kom cov txwj laus, tus neeg tuav txoj hauj lwm khaws ntaub ntawv nyob hauv pawg txwj laus los sis lwm cov neeg ua hauj lawm rau LVAC, los sis cov pej xeem, mus koom lub rooj sib tham tim ntsej tim muag, coj los ua ib qhov kev txwv ntawm txoj kev mus koom los sis txoj kev yuav tsum kom muaj txwj laus coob txaus mus koom es thiaj li yuav muaj tau ib lub rooj sib tham uas qhib rau pej xeem mus koom.
- Qhov uas yuav tsum tau muab txhua lub chaw uas ib tus txwj laus LVAC yuav siv mus koom ib lub rooj sib tham los sis ib qhov kev txiav txim saum huab cua uas qhib rau pej xeem mus koom coj los qhia rau hauv cov lus tshaj tawm thiab qhov txheej txheem rau lub rooj sib tham los sis qhov kev txiav txim uas qhib rau pej xeem mus koom.
- Txhua lub chaw uas neeg yuav siv tau mus koom ib lub rooj sib tham saum huab cua yuav tsum yog ib lub pej xeem yuav mus siv tau.
- Cov pej xeem yuav hais tau rau cov txwj laus LVAC hais tias lawv xav li cas nyob rau ntawm txhua lub chaw uas neeg yuav siv tau mus koom ib lub rooj sib tham nyob saum huab cua.

Cov Thawj Tswj Saib Xyuas Dej Num Ntawm Cov Chaw Pab Pej Xeem Nyob Hauv Tej Cheeb Tsam  
(Regional Center Executive Directors)  
Lub Xya Hli, Tim 21, 2022  
Phab Ntawv 4

- Yuav tsum tau muab cov txheej txheem coj mus lo rau ntawm txhua lub chaw uas neeg yuav siv tau mus koom ib lub rooj sib tham nyob saum huab cua.
- Tsawg kawg los yuav tsum tau muaj ib tus txwj laus LVAC mus nyob ntawm lub chaw uas qhia rau hauv cov lus tshaj tawm hais txog lub rooj sib tham.

Lub Chaw Tuav Dej Num yeej xav kom cov txwj laus LVACs rov qab muaj cov rooj sib tham zoo li ib txwm muaj los thiab rov qab khiav cov rooj sib tham kom raws nraim li txhua yam uas yuav kom ua nyob hauv tsab ntawv ntawm no thiab tsab cai SB 189.

Yog muaj lus nug hais txog tsab ntawv ntawm no, thov nug mus rau Tim Travis, ntawm [Tim.Travis@dds.ca.gov](mailto:Tim.Travis@dds.ca.gov) los sis (951) 394-0590.

Sau npe,

MARICRIS ACON  
Tus Thawj Tswj  
Federal Programs Division

xa ib tsab mus rau:

Regional Center Administrators (Cov Neeg Saib Xyuas Dej Num Nyob Cov Chaw Pab Pej Xeem Nyob Hauv Tej Cheeb Tsam)

Regional Center Directors of Consumer Services (Cov Thawj Tswj Saib Xyuas Cov Kev Pab Uas Npaj Rau Pej Xeem Siv Nyob Ntawm Cov Chaw Pab Pej Xeem Nyob Hauv Tej Cheeb Tsam)

Regional Center Community Services (Cov Thawj Tswj Saib Xyuas Cov Kev Pab Uas Npaj Rau Lub Zej Zos Siv Nyob Ntawm Cov Chaw Pab Pej Xeem Nyob Hauv Tej Cheeb Tsam)

Association of Regional Center Agencies (Cov Chaw Tuav Dej Num Rau Lub Koom Haum Ntawm Cov Chaw Pab Pej Xeem Nyob Hauv Tej Cheeb Tsam)

State Council on Developmental Disabilities (Lub Xeev Pawg Txwj Laus Saib Xyuas Cov Kev Pab Uas Npaj Rau Cov Neeg Muaj Teeb Meem Rau Txoj Kev Loj Hlob Siv)

Disability Rights California (California Cov Cai Uas Neeg Xiam Oob Qhab Muaj)

Cov Thawj Tswj Saib Xyuas Dej Num Ntawm Cov Chaw Pab Pej Xeem Nyob Hauv Tej Cheeb Tsam (Regional Center Executive Directors)

xa ib tsab mus rau:

Nancy Bargmann, DDS

Brian Winfield, DDS

Carla Castañeda, DDS

Jim Knight, DDS

Ernie Cruz, DDS

Aaron Christian, DDS

Tim Travis, DDS